

四庫全書

子部

欽定四庫全書

古今事文類聚續集卷四

宋 祝穆 撰

居處部

鄉里

羣書要語鄉向也衆所向也

釋名

里者止也五十家共居

止也

風俗通

大司徒令五家為比使之相保五比為閭使

之相受四閭為族使之相葬五族為黨使之相救五黨

為州使之相賙五州為鄉使之相賓

禮周

一命齒于鄉里

正黨里有殯不巷歌

禮曲

國君去其國止之曰奈何去社稷

也大夫曰奈何去宗廟也士曰奈何去墳墓也

禮曲

五十

養於鄉六十杖於鄉

王制

維桑與梓必恭敬止注父之所

植已尚不敢不恭敬

小弁

里仁為美

語四

鄉人飲酒杖者出

斯出矣

語十

居是邦也事其大夫之賢者友其士之仁者

五

語十

子貢曰禮居是邦不非其大夫

家語

死徙無出鄉鄉

田同井出入相友守望相助疾病相扶持

滕文公

鄉黨莫

如齒

公孫丑

適異鄉者見似人而喜

莊子

遊於無何有之鄉

同上

張儀築益州城故錦澗也號錦里

益州記

里社鳴此里

有聖人

春秋傳潛潭巴云

雖信美而非吾土兮曾何足以少留

賦 王粲

詩句坐深鄉里敬

杜

坐下漸人多

朱百家

為語里長者德

齒敬已占

坡

舊籍在東都茅屋枳棘籬還歸非無指灞

渭揚春漸生兮耕吾疆死也埋吾陂文章自傳道奚仗

史筆為

韓寄崔立之

里門先卜敬鄉人

韓

古今事實

居鄉黨

孔子於鄉黨恂恂如也似不能言者

語十

魯父母國

孔子去齊接淅而行去魯曰遲遲吾行也去父母國之道也

魯有闕里

闕里在兗州即孔子所居之故宅也

漢晉春秋

闕黨童子

闕黨童子將命或問之曰益者與子曰吾見其居於位也見其與先生並行也非求益者也欲速成者也

互鄉難言

互鄉難與言童子見門人惑子曰與其進也不與其退也唯何甚人潔己以進與其潔也不保其往也

里名勝母

曾子至孝不過勝母墨子非樂不入朝歌

淮南子

不以私惡廢鄉

公山弗狃曰且夫人之行也不以所惡廢鄉注不以私

怨惡廢棄鄉黨之好

哀八

誑其里社

燕人生於燕長於楚及老而還本國過晉國同行者誑之指城曰此燕國之城其人愀然變容指社曰此若里之社乃喟然而歎指舍曰此若先人之廬乃涓然而泣指壠曰此若先人之冢哭不自禁同行者啞然大笑曰

予皆紹若此晉國耳其人大慙及至燕悲心更微

列子

下車過故鄉

常樅謂老子曰過故鄉而下車子知之乎老子曰非謂其不忘故耶樅曰嘻是也

說苑

為鄉里重輕

干木隱而西河美李陵降而隴西慚

唐登科記

立粉榆社

漢高祖少時祭粉榆之社及移新豐亦立焉

郊祀志粉榆鄉名

故後人用粉榆字為鄉曲也 劉禹錫上武相公書一
身主祀萬里望粉榆之鄉

步入里門

萬石君徙居陵里慶及諸子入里門趨至家 張湛為
馮翊告歸平陵望里門而步主簿曰明府位尊不宜自
輕湛曰父母之國所宜盡禮何輕之有 苗晉卿為太
守嘗入壺關望縣門輒步曰公門當下况父母邦乎

南陽帝鄉

光武紀河南帝城多近臣南陽帝鄉多近親

鄭公鄉

國相孔融深敬鄭玄屣屣造門告高密縣為玄特立一鄉曰昔齊置士鄉越有君子鄉皆異賢之意也鄭君好學實懷明德昔太史公廷尉吳公謁者僕射鄧公皆漢之名臣又四皓有東園公夏黃公潛光隱耀世嘉其高皆悉稱公然則公者仁德之正號不必三事大夫也今公之鄉宜曰鄭公鄉昔東海于公僅有一節猶或戒鄉

人侈其門閭矧乃鄭公之德而無駟馬之路可廣開門衢令容高車號為通德門

改高陽里

荀淑舊里名西豪潁陰令以昔高陽氏有才子八人改其里曰高陽里

月旦評

許劭與兄靖俱有高名好共覈論鄉黨人物每月輒更其品題故汝南俗有月旦評焉

君子鄉

王烈以義行稱鄉里有爭田者將質之於烈或至塗而反有望廬而反有盜者不辭刑罰勿使王彥方知之號

所居為君子鄉

後漢

得鄉里心

魯肅大散財貨甚得鄉里忻心

吳志

鄉關所嫉

何曾陵駕人物鄉關疾之如讎永嘉之末何氏滅亡焉

晉書

豐約與共

何琦豐約與鄰鄉共之

晉中興書

文里武鄉

范柏年漢中人嘗謁宋明帝因言及南海貪泉帝問柏年云卿鄉中有此水否對曰臣漢中惟有文里武鄉廉泉讓水足以表名

賊不入其鄉

魏任旄字子旗樂安傳昌人漢末黃巾起到傳昌聞旄
姓名曰夙聞任子旗天下賢人今作賊那可入其鄉耶

穢里

齊劉繪為南康相都人有姓賴所居名穢里繪嘲之曰
君子何穢而居穢里答曰未審孔子有何闕而居闕里

見鄉人

越公遇內史薛公曰公見王通乎薛公曰鄉人也

文中子禮

樂篇

鳴珂里

唐張嘉貞為相弟嘉祐為金吾將軍每上朝軒蓋騶導
盈間時號所居坊曰鳴珂里

孝悌里

趙清獻公之里表曰故孝子太師趙清獻居其里曰孝
悌里

同里生同日

以下係
同里

盧綰豐人也與高祖同里綰父與高祖太上皇相愛及

生綰與高祖同日

里中子

酈生傳沛公麾下騎適食其里中子

邑子薦之

朱買臣吳人也詣闕上書久不報會邑子嚴助貴幸薦
買臣召見說春秋言楚辭帝甚悅之拜買臣為中大夫
與嚴助俱侍中

薦其邑人

司馬相如蜀郡成都人也時蜀人楊得意為狗監侍上上讀子虛賦而善之曰朕不得與此人同時哉得意曰臣邑人司馬相如自言為此賦上驚乃召問相如

鄉人所知

許允為吏部郎多用其鄉里魏明帝遣虎賁收之既至帝覈問之允對曰臣之鄉人所知也

世說

鄉人作賦

張紘見楠榴枕愛其文作為賦陳琳見之以示人曰此

吾鄉人張子綱所作

吳志

同里復遷

華歆與管寧邴原相善管邴同縣人也及遷遼東而子魚不與

同里開

史思明與安祿山同里開

唐玄宗紀

題邑子扇

謝安邑子有蒲葵扇五萬安取其中者題之價增數倍

詩社

以下係同社

孫魴沈彬同游李建勲之門為詩社

白蓮社

遠法師結白蓮社以書召陶淵明淵明曰弟子性嗜酒
法師若許飲即往矣遠因許之遂造焉因勉入社淵明
攢眉而去廬阜雜記謝靈運欲入遠公社遠公拒之曰子髮
續而鬚美面與身戾非令終之相請多行陰德戒飭三
年而後可靈運怒曰學道在心安以貌耶遠笑而不答

後靈運果如遠所料盧循反遠與之執手言笑知人之
鑒何明於靈運而暗於循如此耶

嵩冲靈
抄書記

香火社

白樂天致仕香山石樓與香山僧如滿結香火社自稱
香山居士鑿龍門八節灘為游賞之樂

古今文集

雜著

眉州遠景樓記

蘇子瞻

吾州之俗有近古者三其士大夫貴經術而重氏族其民尊吏而畏法其農夫合耦以相助蓋有三代漢唐之遺風而他郡之莫及也始朝廷以聲律取士天聖以前學者猶襲五代文弊獨吾州之士通經學古以西漢文詞為宗師方是時四方指以為迂濶至於郡縣胥吏皆挾經載筆應對進退有足觀者而大家顯人以門族相上推次甲乙皆有定品謂之江鄉非此族也雖貴且富不通婚姻其民事太守縣令如古君臣既去輒畫像事

之而其賢者則記錄其行事以為口實至四五十年不忘商賈小民常儲善物而別異之以待官吏之求家藏律令往往通念而不以為非雖薄刑小罪終身自不敢犯者歲二月農事始作四月初吉穀稚而草壯耘者畢出數十百人為農立表下漏鳴鼓以致衆擇其徒為衆所畏信者二人一人掌鼓一人掌漏進退作止惟二人之聽鼓之而不至至而不力皆有罰量田計功終事而會之田多而丁少則出錢以償衆七月既望穀父而草

哀則仆鼓決漏取罰金與償衆之錢買羊豕酒醴以祀
田祖作樂飲食醉飽而去歲以為常其風俗蓋如此故
其民皆聰明才智務本而力作易治而難服守令始至
視其言語動作輒了其為人其明且能者不復以事試
終日寂然苟不以其道則陳義秉法以譏切之故不知
者以為難治今太守黎侯希聲軾先君子之友人也簡
而文剛而仁明而不苛衆以為易事既滿將代不忍其
去相率而留之上不奪其請既留三年民益信遂以無

事因守居之比墉而增築之作遠景樓日與賓客僚吏
游處其上軾方為徐州吾州之人以書相往來未嘗不
道黎侯之善而求文以為記嗟夫軾之去鄉久矣所謂
遠景樓者雖想見其處而不能道其詳矣然州人之所
以樂斯樓之成而欲記者豈非上有易事之長而下有
易治之俗也哉孔子曰吾猶及史之闕文也有馬者借
人乘之今亡矣夫是二者於道未大有損益也然且錄
之今吾州之俗獨能累世而不遷蓋耆老昔人豈弟之

澤而賢守令撫循教誨不倦之力也可不錄乎若夫登臨覽觀之樂山川風物之美軾將歸老於故丘布衣幅巾從邦君於其上酒酣樂作援筆而賦之以頌黎侯之遺愛尚未晚也

徽州婺源縣學藏書閣記 朱元晦

道之在天下其實原於天命之性而行於君臣父子兄弟夫婦朋友之間其文則出於聖人之手而存於易書詩禮樂春秋孔孟氏之籍本末相須人言相發皆不可

以一日廢焉者也蓋天理民彝自然之物則其大倫大法之所在固有不依文字而立者然古之聖人欲明是道於天下而垂之萬世則其精微曲折之際非託於文字亦不能以自傳也故自伏羲以降列聖繼作至於孔子然後所以垂世立教之具粲然大備天下後世之人自非生知之聖則必由是以窮其理然後知有所至而力行以終之固未有飽食安坐無所猷為而忽然知之兀然得之者也故傳說之告高宗曰學于古訓乃有獲

而孔子之教人亦曰好古敏以求之是則君子所以為
學致道之方其亦可知也已然自秦漢以來士之所求
乎書者類以記誦剽掠為功而不及乎窮理修身之要
其過之者則遂絕學捐書而相與馳騫乎荒虛浮誕之
域蓋二者之蔽不同而於古人之意則胥失之矣嗚呼
道之所以不明不行其不以此歟婺源學宮講堂之上
有重屋焉榜曰藏書而未有以藏莆田林侯處知縣事
始出其所寶太帝神筆石經若干卷以填之而又益廣

市書凡千四百餘卷列度其上俾肄業者得以講教而誦習焉某故邑人也而客於閩茲以事歸而拜於其學則林侯已去而遷任於朝矣學者猶指其書以相語感歎久之一旦遂相率而踵門謂某盍記其事且曰近年以來鄉人子弟願學者衆而病未知所以學也子誠未忘先人之國獨不能因是而以一言曉之哉某起對曰必欲記賢大夫之績以詔後學垂方來則有邑之先生君子在某無所辱也顧父兄子弟之言又某之所不忍

違者其敢不敬而諾諸於是竊記所聞如此以告鄉人之願學者所知讀書求道之不可已而盡心焉以善其身齊其家而及於鄉達之天下傳之後世且以信林侯之德於無窮也是為記

謝范舍人書

蘇子瞻

軾聞之古人民無常性雖土地風氣之所稟而其好惡則存乎其上之人文章之風惟漢為盛而貴顯暴著者蜀人為多蓋相如倡其前而王褒繼其後我冠曳佩大

車駟馬徜徉乎鄉閭之中而蜀人始有好文之意弦歌之聲與鄒魯比然而二子者不聞其能有所薦達豈其身之富貴而遂忘其徒耶嘗聞之老人自孟氏入朝民始息肩救死扶傷不暇故數十年間學校哀息天聖中伯父解褐西歸鄉人嘆嗟觀者塞塗其後執事與諸公相繼登於朝以文章功業聞於天下於是釋耒耜而肇筆硯者十室而九比之西蜀又以遠過且蜀之郡數十其不敢遠引其他蓋通義蜀之小州而眉山又其一縣去

歲舉于禮部者凡四五十人而執事與梅公親執權衡而較之得者十有三人焉則其他可知矣夫君子之心於天下固無所私愛而於父母之邦苟有得之者其與之喜樂豈如行道之人漠然而已哉執事與梅公之於蜀人其始風動誘掖使聞先王之道其終度量裁置俟觀天子之光與相如王褒又甚遠矣某也在十三人者之中謹因閭吏進拜于庭以謝萬一又以賀執事之鄉人得者之多也

趙季仁司直習鄉飲酒儀序

黃直卿

請賓介陳器饌獻賓介饌獻旅酬燕六者禮之大節也
登降辭受禮之文也鼎俎籩豆禮之器也脯醢脊膾禮
之用也此觀禮者所具知也其數易知其義難知也鄉
飲教親睦也鄉閭親睦陵犯爭訟之風息矣夫禮主於
敬敬勝則乖乖則離聖人制禮必濟之以和和勝則瀆
瀆則慢聖人制禮必濟之以敬始之以禮教敬也終之

以樂教和也拜至拜洗拜送拜既敬之至也請安請坐
爵樂無算和之至也敬而和禮之大義也此所以親睦
鄉閭而息陵犯爭訟之風也降洗降盥潔也辭降辭洗
遜也父坐子立孝也老者坐於上少者立於下弟也飲
食必祭不忘本也酬爵不舉不盡人之忠也序賓以賢
貴德也序坐以齒貴長也序饌以爵貴貴也工歌必獻
不忘功也燕及沃洗不忘賤也歌關雎葛覃卷耳齊家
之義著矣歌鹿鳴四牡皇皇者華事君之義著矣一飲

一食一拜一坐一揖一降無非教也通於義者又非但可以親睦鄉閭而已也天理得人心正無所施而不可也聖人著為禮以教人凡為鄉人者皆知此義焉此成周之世所以人人皆有士君子之行也禮廢樂墜鄉人之羣飲者未嘗廢豐飲食侈供帳悅聲伎恣歡噉教侈也導淫也恣慾也無非所以敗人心也此後世之士大夫曾古之服勤於畎畝者之不若也然則是禮也雖不行於今之世學士大夫之有志於古者其可不思所以

講明而肄習之歟吾友趙君師恕官不達而忘其貧今不合而志於古其為邑餘杭嘗行鄉飲酒之禮矣今復舉是禮與鄉之有志之士講肄焉禮成有欲紀其儀節而鋟之木者屬予為之序予猶恐觀禮者習其數而不明其義也故紀其大畧使刻之篇首

詩話

鄉里稱桑梓

詩三百篇各有其旨傳注之學多失其本意若維桑與

梓必恭敬止謂桑梓人賴其用故養而成之莫肯凌踐
則恭敬之道父子相與豈特如人之親桑梓今乃言父
母之邦者必稱桑梓非也

溫更
詩話

大賢同里

溫公判西京留司御史臺遂居洛濱買園於尊賢坊以
獨樂名之始與先君康節遊嘗曰光陝人先生衛人今
同居洛即鄉人也有如道學之尊當以年德為貴官職
不足道也公一日著深衣自崇德寺書局散步洛水堤

上因過康節天津之居謁曰程秀才云既見溫公也問其故公笑曰司馬出程伯休父故曰程留詩云拜罷歸來抵寺居解鞍縱馬罷傳呼紫衣金帶盡脫去便是人間一野夫草軟波清沙路微手攜筇杖著深衣白鷗不信忘機久見我猶穿岸柳飛康節和曰冠蓋紛華塞九衢聲名相軋在前呼獨君都不將為事始信人間有丈夫風背河聲近亦微斜陽侯伯隔雲衣一雙白鷺來煙外將下沙頭却背飛公一日登崇德閣約康節久未至

有詩曰淡日濃雲合復開碧伊清洛遠縈迴林間高閣
望已久花外小車猶未來康節和云君家梁上午時燕
過社今年尚未迴為罰誤君凝望久萬花深處小車來
聞見錄

思鄉

遠鄉見續集還歸門

羣書要語凡生天地之間有血氣之屬必有知有知之
屬莫不知愛類今是大鳥獸則失喪其羣匹越月踰時
焉則必反巡過其故鄉回翔焉鳴號焉踟躕焉踟躕焉

然後去之小者至於燕雀猶有啁噍之頃焉然後乃能

去之

三年問

鳥飛反鄉兔走歸窟狐死首丘

淮南子

願為黃

鵠兮歸故鄉

西域傳

遊子悲其故鄉今愴恨以傷懷

班彪北征

賦

雖信美而非吾土兮曾何足以少留

王粲賦

詩句代馬依北風飛鳥棲故巢

古詩

疲馬戀舊林羈禽思

故棲

孟郊

誰能久京洛縑塵染素衣

謝玄暉

故鄉籬下菊今

日為誰開

江總

月是故鄉明

杜

歸心折大刀

杜

如何連曉

語祇是說家鄉

韓

一夜九起嗟夢短不到家

孟郊

舊業今

已無還鄉反為客

劉長卿湖上遇鄭田

舊業歸無地他鄉便是家

羅鄴逢友人

眉間黃色見歸期

韓

蝴蝶夢中家萬里

崔塗金篇見行

旅門

古今事實

不忘土風

楚人鍾儀為晉所繫晉侯與之琴遂操楚音晉侯曰樂操土風不忘本也遂釋之

入楚思越

越人莊烏仕楚楚王曰烏越之鄙人今日入楚富貴耳
亦思越不使人往聽之乃為越吟

樂其所自生

大公封於營丘比及五世皆反葬於周君子曰樂樂其
所自生禮不忘其本古之人有言曰狐死正丘首仁也

禮弓

不忘豐沛

太上皇不樂關中思慕鄉里高祖徙豐沛立為新豐縣

三輔
舊事

高祖還過沛故人父老諸母子弟佐酒道舊故為

笑樂酒酣上自擊筑歌曰大風起兮雲飛揚威加海內
兮歸故鄉安得猛士兮守四方起舞忼慨泣數行下謂
沛父兄曰游子悲故鄉豐沛吾所生長極不忘耳又曰
萬歲後吾魂魄猶思沛

乞骸歸里

貢禹上書曰臣禹犬馬之齒八十一自痛去家三千里
誠恐一旦躓仆不能自還骸骨棄捐孤魂不歸不勝私
願乞骸骨及身生歸鄉里死亡所恨

生入玉門關

班超久在絕域年老思土上疏曰臣不敢望酒泉郡但願生入玉門關

避亂去鄉

荀彧字文若董卓之亂棄官歸謂父老曰潁川為兵衝宜亟去之鄉人懷土猶豫會冀州牧同郡韓馥遣騎迎之莫有隨者或獨將宗族至冀州

鄉思轉深

陸機在洛忽思東頭竹篠之飲語劉寶曰吾鄉思轉深

矣

語林

秋思蓴鱸

張翰字季鷹吳郡人齊王冏辟為大司馬東西掾冏時
執權翰謂同郡顧榮語欲去意榮執其手曰吾亦與子
採南山蕨飲三江水耳翰因見秋風起乃思吳中菰菜
蓴羹鱸魚膾曰人生貴得適志何能羈官數千里以要
名爵乎遂命駕歸俄而冏敗人皆謂之見幾

奮懷舊都

杲子厚書曰河東吾土也家世遷徙莫能就緒其間有大河條山氣蓋關左吾因翹翹褰裳奮懷舊都

古今文集

雜著

蜀舍銘

并序

蜀郡王萬寓鄭榜其居曰蜀舍持餘杭朱俊民所為記過項城劉跂而請銘為之銘曰

噫嘻此舍是蜀非耶吞若兩川坤之維耶危乎高哉上
青天耶赤甲白鹽峙峨眉耶搢節醬蒟飯蹲鴟耶一物
不有而不無耶噫嘻此舍是真蜀國身如壺公靡索不
獲行以蜀馳卧以蜀息陰燕陽魏吳越瓘錯裴徊周流
誓不以易謂不信者有如此石

榮鄉

羣書要語

闕

詩句復此懿親會而增交道榮

李

自可化鄉里豈惟門

戶榮

曾

風采照鄉閭

坡

草木亦晶光

后山

鞍馬僕從塞閭

里

韓

錦衣白日還家樂鶴髮當年拜壽榮

歐

路人應羨

錦衣榮

歐

里門每入從千騎賓主俱榮道路光

歐

古今事實

佩印過雒陽

蘇秦字季子佩六國相印過雒陽秦之昆弟妻嫂側目不敢仰視俯伏侍取食秦笑謂嫂何前倨後恭也嫂委蛇蒲服以面掩地而謝曰但見季子位高金多秦喟然

歎曰使我有雒陽負郭田二頃吾豈能佩六國相印乎

衣錦歸故鄉

項羽屠咸陽殺秦降王子嬰燒其宮室羽見秦皆已燒殘又懷思東歸曰富貴不歸故鄉如衣錦夜行

買臣守會稽

漢朱買臣吳人武帝拜為會稽太守初買臣免待詔常從會稽守邸者寄食拜為太守衣故衣懷印綬步歸郡邸值上計時會稽吏相與羣飲不視買臣入室中守邸

與共食且飽少見其綬守邸前引其綬視其印會稽太守章也守邸驚出語上計吏皆醉大呼曰誕妄耳其故人素輕買臣者入視之還走疾呼曰實然坐中驚駭白守丞相推排陳列中庭拜賀買臣徐出戶有頃長安殿吏乘駟馬車來迎買臣遂乘傳去

相如使蜀

司馬相如與臨邛令王吉相善臨邛富人卓王孫曰令有貴客為具召之并召令是時卓王孫有女文君新寡

好音故相如繆與令相重而以琴心挑之文君夜亡奔相如相如與馳歸成都家徒四壁立卓王孫大怒一錢不分相如與俱之臨邛盡賣車騎買酒舍乃令文君當壚相如身自著犢鼻禪滌器於市中因蜀人楊得意為狗監侍上言得召奏賦為郎其後言邛苻冉駹者可通為郡縣上以為然拜相如為中郎將建節徃使至蜀太守以下郊迎縣令負弩矢前驅蜀人以為寵於是卓王孫臨邛諸公皆因門下獻牛酒以交懽

三組夸鄉里

漢武帝以璽書敕責樓船將軍楊僕曰將軍請乘傳行塞因用歸家懷銀黃垂三組夸鄉里注銀銀印也黃金印也主爵都尉樓船將軍梁侯三印故云三組

衣繡畫行

魏張允為雍州刺史太祖曰還卿本州可謂衣繡畫行矣

冠蓋里

襄陽郡峴山南至宜城百里餘其間雕塙峻宇閭里填
列漢宣帝末其間有卿士及刺史二千石數十人同日
大會荊州刺史行部見之勅縣名其里為冠蓋里

杖節還鄉

後魏董徵以儒學累遷安州刺史因述職過家置酒高
會乃云腰龜返國昔人稱榮杖節還鄉云何不樂誠子
弟曰此之富貴匪自天降乃勤學所致耳時人榮之

不賑其鄉

中宗時僕射魏元忠還宋州拜掃上幸白馬寺以送之
制曰衣錦畫遊在乎茲日散金敷惠諒焉斯辰元忠至
鄉竟無所賑施議者短之

古今文集

雜著

相州畫錦堂記

歐陽永叔

仕宦而至將相富貴而歸故鄉此人情之所榮而今昔
之所同也蓋士方窮時困阨閭里庸人孺子皆得易而

侮之若季子不禮於其嫂買臣見棄於其妻一旦高車
駟馬旗旄導前而騎卒擁後夾道之人相與駢肩累迹
瞻望咨嗟而庸夫愚婦者奔走駭汗羞愧俯伏以自悔
罪於車塵馬足之間此一介之士得志當時而意氣之
盛昔人比之衣錦之榮也惟大丞相魏國公則不然公
相人也世有令德為時名卿公自少時已擢高科登顯
仕海內之士聞下風而望餘光者蓋亦有年矣所謂將
相而富貴皆公所宜素有非如窮阨之人僥倖得志於

一時出於庸夫愚婦之不意以驚駭而夸耀之也然則高牙大纛不足為公榮桓圭衮冕不足為公貴惟德被生民而功施社稷勒之金石播之聲詩以耀後世而垂無窮此公之志而士亦以此望於公也豈止夸一時而榮一鄉哉公在至和中嘗以武康之節來治于相乃作畫錦之堂于後圃既又刻詩於石以遺相人其言以快恩讎矜名譽為可薄蓋不以昔人所夸者為榮而以為戒於此見公之視富貴為如何而其志豈易量哉故能

出入將相勤勞王家而夷險一節至於臨大事決大議
垂紳正笏不動聲色而措天下於泰山之安可謂社稷
之臣矣其豐功盛烈所以銘彝鼎而被弦歌者乃邦家
之光非閭里之榮也余雖不獲登公之堂幸嘗竊誦公
之詩樂公之志有成而喜為天下道於是乎書

汪丞相畫繡堂記

汪彥章

自古人物與山川相為輕重崧嶽生甫及申淇澳生衛
武山東出相山西出將此人物以山川而重也莘野以

伊尹聞磻溪以呂望聞隆中繇諸葛亮而顯曲江繇張九齡而大此山川以人物而重也故為名山大川不以生明堂大輅之材九鼎之金照乘之珠連城之璧為貴而以出英賢為貴為王公大人者不以功業載旂常銘鍾鼎書竹帛流管絃為榮而以歸故鄉為榮此古人所謂富貴而不歸故鄉如衣繡衣夜行者言得志而行乎四方人孰見之必至吾父母之邦然後為可樂也新安自吳為郡今千餘歲山水峭厲而清深故長材秀民之

出視東南為最繇唐以來擢殊科登顯仕者固不為無人然未有居將相之位者也宋興百七十年而大丞相汪公出焉公以諸生徒步起家於京師數千里之外為時偉人遭明天子艱難之中總州符入侍出奇謀秘策以輔成中興之功遂自樞臣相天子其精忠如金石赫然為佐命元勳而新安之名一日聞天下此新安之榮豈獨公之榮哉紹興七年公自七閩入覲以保信之節來鎮宣城宣城新安鄱陽三郡相望皆百餘里公乃卜

居鄱水之上將歸老焉築畫繡之堂而命某記之某曰
公以邁往之資應期偶運乘風雲依日月而正宇宙於
立談之間雖釋位而去者十年天子未嘗一日忘公也
乃建旄秉鉞而兼師傅之官亦可謂布衣之極矣公今
七十餘精明如五十許人將復居廊廟坐籌帷幄取河
朔山東六十餘州歸職方圖籍然後退從赤松子之遊
其功名益新則新安之名益大某將大書特書不一書
而為天下國家慶又豈特為新安之榮而已哉

夸耀鄉關

司馬長卿始以汙行不齒於蜀人既而以賦得幸天子
未能有所建明亡絲毫之善以自贖也而創開西夷逢
君之惡以患苦其父母之邦乃復矜其車服節旄之美
使邦君負弩先驅豈詩人致恭桑梓萬石君下里門之

義乎

志林

古詩

畫錦堂詩

韓稚圭

古人之富貴歸於本郡縣譬若衣錦游白晝自光綯不
則如夜行雖麗胡由見事累載方冊今復著俚諺或紆
太守章或擁使者傳歌樵忘故窮滌器掩前賤所得快
恩仇愛惡任驕狃其志止于此士固不足羨茲予來舊
邦意弗在矜銜以疾而量力懼莫稱方面抗表納金節
假守冀鄉便帝曰其汝俞建纛往臨殿行路不云非觀
歎溢郊甸病軀諧少休先隴遂完繕歲時存父老伏臘
潔親薦恩榮孰與偕衰劣愧獨擅公餘新此堂夫豈事

飲燕亦非張美名輕薄詫紳弁重祿許安閒顧已常兢
戰庶一視題榜則念報主眷汝報能何為進道確無倦
忠義偉大節匪石烏可轉雖前有鼎鑊死甘誓不變丹
誠難悉陳感泣對筆硯

律詩

送楊少尹赴蒲城

張籍

官為本府當身榮因得還鄉任野情自廢田園今作主
每逢耆老不呼名舊遊寺裏僧應識新別橋邊樹亦成

公事多閒詩更好將誰相送上山行

寄題相州畫錦堂

歐陽永叔

白首三朝社稷臣壺漿夾道擁如雲
金貂爭看真丞相竹馬相迎舊使君
豈止軒堂夸故里已將鍾鼎勒元勲
不須授簡平津客好學平津自有文

送楊可及第還鄉

梅昌言

君恩兼喜拜維桑路入家山道更光
春色殿前初脫白秋風壠上見焚黃
偏留名紙呼先輩喜著藍袍到故鄉


科第孝思俱已遂却經劒棧莫淒涼

詩話

守本郡不阿

邑孝肅拯合肥人出守本郡不肯少屈法以阿鄉曲之
好故流俗稍稍謗議公乃為詩以見意其間一聯云直
幹終為棟真剛不作鉤其守正不回如此

苔溪
漁隱



古今事文類聚續集卷四

欽定四庫全書

子部

古今事文類聚續集卷五

詳校官中書_臣孫衡

侍讀_臣孫球覆勘

總校官編修_臣王燕緒

校對官中書_臣潘奕雋

謄錄監生_臣陳太初

欽定四庫全書

古今事文類聚續集卷五

居處部

宮殿

羣書要語宮穹也屋見於垣上穹崇然也釋名蒼頡篇曰

殿大堂也商周以前其名不載案史記秦始皇本紀始

皇作前殿上可以坐萬人下可以建五丈旗初學記宮正

宋 祝穆 撰

掌王宮之戒令糾禁

周禮

伏儼曰蔡邕云本為禁中門閤

有禁非侍御之臣不得妄入行道豹尾中亦為禁中孝

元皇后父名禁避之故曰省中師古曰省察也言入此

中皆當視察不可妄也

漢書

楓槐被宸注宸帝居屋宇也

言植此木於宸中

何晏賦

遊閭闔觀玉臺天門開誅蕩蕩

漢書

木擁槍橐以為儲胥注槍橐作木槍相橐為柵也儲

胥武帝作迎風館於甘泉宮後加露寒儲胥二館

長楊賦

珍臺閒館璇題玉英應劭曰題頭也榱桷之頭皆以玉

飾

甘泉賦

丹地注以丹淹泥塗殿上地

梅福傳注

玉除彤庭

都

賦

覽膠流於高光兮溶方皇於西清注西廂清閒處也

揚雄賦

殿堂象東井形刻作荷菱水物所以厭火

風俗通

宣

政門內有宣敕殿東有東上閤門西有西上閤門故以

掖稱

長安志

服虔曰掖門正門之傍小門如人臂掖也

成帝

紀

鄴都銅雀臺皆鴛鴦瓦

晉史

虎豹九關啄害下人些

楚辭

青瑣注刻為連瑣文而青塗也

漢書

皎皎白間離離列錢

晨光內照流景外燧張說注白間窻也以白塗之畫以

錢文猶言綺疏青瑣之類

景福殿賦

端門出周勃傳師古曰

殿之正門

漢書

寧者謂路門之外屏樹之內人君視朝寧

立之處因名為寧李巡云正門內兩塾間曰寧曲禮曰

天子當寧而立

闕宮門雙闕鄭衆云象魏闕也劉熙

釋名云闕在門兩傍中央闕然為道也然則其上縣法

象其狀巍然高大謂之象魏使人觀之是觀與象魏闕

一物而三名也以門之相對為雙故名雙闕

並釋名

闕觀

也古者每門樹兩觀於其前所以標表宮門也其上可

居登之則可徧觀故謂之觀人臣將朝至此而書其所
闕多少故謂之闕其上皆丹壁其下皆畫雲氣仙靈奇
禽怪獸以昭示四方焉蒼龍闕畫蒼龍白虎闕畫白虎玄武
闕畫玄武朱雀闕畫朱雀二枚崔豹古今注觚稜而棲金爵汪觚
稜闕角也金爵鳳也

詩句繡甍結飛霞璇題納行月

謝朓

金波麗鳩鵲玉繩低

建章

前人

謁帝蓬萊宮

李

召見甘泉宮

高適

三十六離宮樓

臺與天通

李

聽鐘出長樂傳鼓到新昌

白

旌旗映閭闔

歌吹滿昭陽

維王

旌旗日暖龍蛇動宮殿風微燕雀高

杜

九天閭闔開宮殿萬國衣冠拜冕旒

維王

金闕曉鐘開萬

戶玉階仙仗擁千官

岑

陰沈鐵鳳闕

杜贈崔評事

鐵鳳橫空

飛綵繪

東坡

卧聽風簷鳴鐵鳳

東坡

雙猊蟠礎龍纏棟金井

轆轤鳴曉甕小殿垂簾白玉鈎大宛立仗朱絲鞚

東坡答西

掖諸公

耽耽玉宇龍纏棟藹藹金鋪獸嚙環

梅聖俞

庭槐似

識天顏喜舞破清陰作兩龍

坡

日高黃繖下西清風動

槐龍舞交翠

坡

和御製

自注

云通英閣

前有雙槐

榦枝屬地如龍形

古今事實

上古棟宇

上古穴居而野處後世聖人易之以宮室上棟下宇以待風雨蓋取諸大壯

堯土階

堯之有天下也堂高三尺采椽不斲茅茨不剪

李斯傳

土

階三尺

通歷

禹卑宮室

禹卑宮室而盡力乎溝洫

公劉卜居

篤公劉既景廼岡相其陰陽觀其流泉度其夕陽幽居允荒

大王築室

古公亶父來朝走馬率西水滸至于岐下爰及姜女聿來胥宇曰止曰時築室于茲

宣王考室

斯干宣王考室上莞下簟乃安斯寢乃占我夢吉夢維何維熊維羆

穆王清都

穆王及化人之宮以為清都紫微鈞天廣樂帝之所居
列子

故宮禾黍

黍離閔宗周也周大夫行役至於宗周過故宗廟宮室
盡為禾黍閔周室之顛覆彷徨不忍去而作是詩也

王風

箕子諫紂不聽其後箕子朝周室故殷墟城宮室毀壞
生禾黍箕子傷之乃作麥秀之詩以歌詠之

宋世家

衛營宮室

衛文公徙居楚丘始建城市而營宮室定之方中作于
楚宮揆之以日作于楚室

秦阿房宮

秦阿房宮東西五百步南北五千丈下可以建五丈旗
周馳為閣道自阿房渡渭屬之咸陽以象天極閣道絕

漢抵營室也

漢未央宮

高祖七年至長安蕭何治未央宮立東闕北闕前殿武庫太倉上見壯麗甚怒謂何曰天下洵洵何治宮室過度也何曰非令壯麗無以重威

置酒前殿

漢高祖置酒前殿奉玉卮為太上皇壽殿上羣臣皆呼萬歲

受釐宣室

文帝思賈誼召之入見上方受釐宣室因感鬼神事問鬼神之本

長楊宮

長楊宮本秦舊宮漢修飾之以備行幸有垂楊因為宮名門曰射熊館秦漢遊獵之所也

三輔黃圖

成帝行幸長楊

宮從番客大校獵上將誇番人以禽獸命張羅網罟罾捕熊羆豪猪虎豹狐兔麋鹿載以檻車輪長楊射熊館

以罔為周陸縱禽獸其中令番人手搏之自取其獲上親臨觀焉是時農民不得收斂雄從至上林館還上長

楊賦

揚雄傳

甘泉宮

漢武帝立泰畤于甘泉以柏梁災受計甘泉

建章宮

漢武帝作建章宮為千門萬戶初柏梁殿災粵巫占之曰粵俗有火災即復起大屋以厭勝之帝於是度為千

門萬戶在未央宮西跨城池作飛閣通建章宮構輦道

於上下宮之正門曰閭闔

本紀

武帝太初元年乙酉柏梁

災於是作建章宮度為千門萬戶前殿度高未央其東

則鳳闕高二十餘丈其西則商中數十里虎圈其北治

大池漸臺高二十餘丈名曰大液池中有蓬萊方丈瀛

洲象海中神仙龜魚之屬其南有玉堂壁門之屬立井

榦樓高五十丈輦道相屬焉

郊祀志

長信宮

漢長信宮太后之宮也武帝五日一朝長信宮

東方朔傳又

名長樂宮

承明廬

承明廬在石渠閣外直宿所止曰廬嚴助傳君厭承明廬揚雄待詔承明之庭

宣室決事

宣帝幸宣室齋居決事注宣帝布政教之室也

魏夢瓦化

魏文帝謂周宣曰朕夢殿上雙瓦落地化為鴛鴦何也
宣曰後宮當有暴死者

魏志

晉宮門銅駝

晉索靖有先識遠見知天下將亂指洛陽宮門銅駝歎
曰會見汝在荊棘中

唐長秋宮

唐皇后居長秋宮

龍尾道

唐含元殿前龍尾道自平階地凡詰曲七轉由丹鳳門北望宛如龍尾下垂於地焉兩琅欄檻悉以青石為之故謂之龍尾道

汭宅編

諫治洛陽宮

唐太宗曰朕欲營一殿覽奏而止貞觀三年以旱避正殿張元素諫治洛陽宮

延英講論

憲宗朝李絳嘗盛夏對延英帝汗浹衣絳欲趨出帝曰

欲與卿講天下事乃其樂也 文宗銳意於治每延英

對宰臣率漏下十一刻

召見金鑾殿

賀知章見李白之文歎曰子謫仙人也言於玄宗召見
金鑾殿論當世事奏頌一篇帝賜食親為調羹有詔供
奉翰林

洞開諸門

宋祖命改晉太寧宮一如洛陽宮之制既成太祖坐正

殿令洞開諸門直望謂左右曰此如我心少有邪曲人

皆知之

涑水

古今文集

雜著

魯靈光殿賦

并序

王延壽

字文考

王延壽父逸欲作此賦命文考往圖其狀
文考因韻之以簡其父父曰吾無以加也
時蔡邕亦有此作十年不成邕見文考此

賦遂隱而不出文考時年二十至二十四

過漢江溺而死

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見墮壞而靈光巋然獨存意者豈非神明依憑支持以保漢室者也然其規矩制度上應星宿亦所以永安也予客自南鄙觀藝於魯覩斯而貽曰嗟乎詩人之興感物而作故奚斯

頌僖歌其路寢而功績存乎辭德音昭乎聲物以賦顯
事以頌宣匪賦匪頌將何述焉遂作賦曰

粵若稽古帝漢祖宗濬哲文明殷五代之純熙紹伊唐
之炎精荷天衢以元亨廓宇宙而作京敷皇極以創業
叶神道而大寧於是百姓昭明九族敦序乃命孝孫俾
侯于魯錫介圭以作瑞宅附庸而開宇乃立靈光之秘
殿配紫微而為輔承明堂於少陽昭列顯於奎之分野
瞻彼靈光之為狀也則嵯峨嵬嵬崔嵬嶮嶮吁可畏乎

其駭人也迢嶢倜儻豐麗博敞洞軫輶分其無垠也邈
希世而特出羌瓌譎而鴻紛屹山峙以紆鬱隆崛岉乎
青雲鬱垓圯以嶒嶸崩繒綾而龍鱗汨磴磴以璀璨赫
燁燁而燭坤狀若積石之鏘鏘又似乎帝室之威神崇
墉岡連以嶺屬朱闕巖巖而雙立高門擬于閭闔方二
軌而並入於是乎乃歷夫太階以造其堂俯仰顧盼東
西周章彤彩之飾徒何為乎浩浩汧汧流離爛漫皓壁
暘曜以月照丹柱歛絕而電烜霞駁雲蔚若陰若陽濯

獲燐亂煒煒煌煌隱陰夏以中處靈寥窈以崢嶸鴻燿
煒以燼閭颺瑟蕭條而清泠動滴漉以成響殷雷應其
若驚耳嘈嘈以失聽目矐矐而喪精駢密石與琅玕齊
玉璫與璧英遂排金扉而北入宵藹藹而曖曖旋室嫵
媚以窈窕洞房叫窸而幽邃西廂踟躕以閒宴東序重
深而奧秘屹鏗暝以勿罔屑壓翳以懿凜魂悚悚其驚
斯心惺惺而發悖於是詳察其棟宇觀其結構規矩應
天上憲背陬倨倨雲起嶽嶽離樓三間四表八維九隅

萬楹叢倚磊砢相扶浮柱岵嶸以星懸漂嶢峴而枝柱

飛梁偃蹇以虹指揭遽遽而騰湊層櫨礫_{毀方}以戾戕

曲枿要紹而環句芝栢攢羅以戢尋_{立女}枝穿_{孟馳}杈枒而

斜據傍夭矯以橫出互黝糾而搏負下弗蔚以璀璨上

崎嶇而重注捷獵鱗集支離分赴縱橫絡繹各有所趣

爾乃懸棟結阿天窻綺疏圓淵方井反植荷渠發秀吐

榮菡萏披敷綺房紫葍窠窀垂珠雲棠藻枕龍桶雕鏤

飛禽走獸因木生姿奔虎攫拏以梁倚佗奮疊而軒鬚

虬龍騰驤以蜿蜒頷若動而躩踞朱鳥舒翼以峙衡騰

蛇蟠虬而逶迤白鹿子蛻於樽櫨蟠螭宛轉而承楣狡

兔踰伏於柎側猿猱攀椽而相追玄熊舐舐以斷斷却

負載而蹲踞齊首目以瞪眄徒眈眈而矜矜彌邊人遙

集於上楹儼雅跼而相對佗欺猥以鵬眈呼幽鳥類呼

類遼而睽李睢許狀若悲愁於危處慙嘖戲而含悻神

仙岳岳於棟間玉女闌窻而下視忽瞋眇以響像若鬼

神之髣髴圖畫天地品類羣生雜物奇恠山神海靈寫

載其狀託之丹青千變萬化事各繆形隨色象類曲得其情上紀開闢遠古之初五龍比翼人皇九頭伏羲鱗身女媧蛇軀鴻荒樸略厥狀睢盱煥炳可觀黃帝唐虞軒冕以庸衣裳有殊下及三后淫妃亂主忠臣孝子烈士貞女賢愚成敗靡不載叙惡以誡世善以示後於是乎連閣承宮馳道周環陽榭外望高樓飛觀長塗升降軒檻蔓延漸臺臨池層曲九成屹然特立的爾殊形高徑華蓋仰看天庭飛陛揭孽緣雲上征中坐垂景頰視

流星千門相似萬戶如一巖突洞出逶迤詰屈周行數
里仰不見日何宏麗之靡靡咨用力之妙勤非夫通神
之俊才誰能尅成乎此勲據坤靈之寶勢承蒼昊之純
殷包陰陽之變化含元氣之烟煴玄醴騰涌於陰溝甘
露被宇而下臻朱桂黝儵於南北芝蘭阿那於東西祥
風翕習以颭灑激芳香而常芬神靈扶其棟宇歷千載
而彌堅永安寧以祉福長與大漢而久存實至尊之所
御保延壽而宜子孫苟可貴其若斯孰亦有云而不珍

亂曰彤彤靈宮歸罪穹崇紛厖鴻兮崩劣嶷嶺岑峯嶠
嶷駢龍從兮連拳偃蹇崙困踳蹠傍歌傾兮歇欬幽靄
雲覆靈靄洞杳冥兮葱翠紫蔚礪礪瓌瑋含光晷兮窮
奇極妙棟宇已來未之有兮神之營之瑞我漢室永不
朽兮

阿房宮賦

杜牧之

六王畢四海一蜀山兀阿房出覆壓三百餘里隔離天
日驪山北構而西折直走去聲咸陽二川溶溶流入宮牆

五步一樓十步一閣廊腰縵迴簷牙高啄各抱地勢鉤

心鬪角盤盤焉困困焉蜂房水渦

初六反

不知其幾千

萬落長橋卧波未雩何龍

雩一作雲

複道行空不霽何虹高

低冥迷不知西東歌臺暖響春光融融舞殿冷袖風雨

淒淒一日之內一宮之間而氣候不齊妃嬪媵嬙王子

皇孫辭樓下殿輦來于秦朝歌夜絃為秦宮人明星熒

熒開妝鏡也綠雲擾擾梳曉鬟也渭流漲膩棄脂水也

煙斜霧橫焚椒蘭也雷霆乍驚宮車過也轆轤遠聽杳

不知其所之也一肌一容盡態極妍縵立遠視而望幸
焉有不得見者三十六年燕趙之收藏韓魏之經營齊
楚之精英幾世幾年剽掠其人倚疊如山一旦不能有
輸來其間鼎鑄玉石金塊珠礫棄擲遷迤秦人視之亦
不甚惜嗟乎一人之心千萬人之心也秦愛紛奢人亦
各念其家奈何取之盡錙銖用之如泥沙使負棟之柱
多於南畝之農夫架梁之椽多於機上之工女釘頭磷
磷多於在庾之粟粒瓦縫參差多於周身之帛縷直欄

橫檻多於九土之城郭管絃嘔啞多於市人之言語使天下之人不敢言而敢怒獨夫之心日益驕固戍卒叫函谷舉楚人一炬可憐焦土嗚呼滅六國者六國也非秦也族秦者秦也非天下也嗟夫使六國各愛其人則足以拒秦秦復愛六國之人則遞三世可至萬世而為君誰得而族滅也秦人不暇自哀而後人哀之後人哀之而不知鑒之亦使後人而復哀後人也

五鳳樓賦

梁周翰

伊京師之權輿也遐哉邈乎驗河圖之象按輿地之書
宅禹貢豫州之域距天文辰馬之墟因四履建侯之地
為六代興王之居城浚而都汴河而渠結坤之絡振乾
之樞星甕櫛堵我民之廬海漕山膾我田之租勢雄跨
楚氣王吞吳茫茫萬國魚貫而趨惟聖皇之受命應期
運而握符光潛躍於龍德踐元亨於帝衢道德何師尊
盧赫胥揖讓何比陶唐有虞英略神武威憚八區封豕
必誅長鯨盡剝虎皮包刃鵠板搜儒墜典皆索闕政咸

鋪成天下之大務若雷奮而風驅乃顧京室時行聖謨
陋宸極之非制稽紫垣之舊圖且曰不壯不麗豈傳萬
世禹之卑宮蓋勿暇之計堯之茅茨非經久之制矧象
魏之縣法伊億兆之所視況我力如天我貲如地不漁
爾民不牟爾利一毫之費差足為易乃詔共工度景之
中因舊謀新庀徒儻功臺卑者豐棟易而隆椽斲而礲
去地百丈在天半空五鳳翹翼若鵬運風雙龍蟠首若
鼇載宮丹楹霞繞神光何融朱楹虹植晴文始烘繡楣

焜耀雕拱玲瓏椒壁塗赭綺窓暈紅雙闕偶立突然如
峯平見千里深映九重奔星墜而交觸靈景互而相逢
門呀洞缺若天之裂縱舉百武橫駕六轍金鋪爍人光
景明滅舞陽之力莫得而排叔梁之力胡可以挾其下
則冠蓋威蕤劍佩陸離車如流水待漏而馳駕肩排踵
兼蠻渾夷萬衆紛錯魚龍尊卑咸去來之由此競奔湊
於玉墀竄王風之無外豈朝盈之有時三事庶尹乃拜
表蕭牆謁帝未央以落大壯登歌永昌曰元聖明兮帝

道昌威四海兮君萬方峙高闕兮冠百常赫宋德兮垂
無疆瞻天顏兮獻壽觴願君王兮長樂康帝曰俞哉爾
觴且置當聽朕言庶曉朕意頃於戎馬之暇詳窺歷代
之記乃知乎夏德之衰璣室且庇商政之壞傾宮大侈
楚王章華一身何寄秦皇阿房三世而棄漢武柏梁孽
火隨熾陳后三閤義師尋至豈非乎禍生於漸欲起於
恣亦如崇飲不已必至昏醉嗜色不已必至乏瘁遷怒
不已必絕人祀窮兵不已必暴人皆甘諛不已必杜忠

義溺讒不已必斥賢智亡國之君未嘗不爾朕皆知之
得以趨避淫於土木雅不如是美其成功良以為愧不
舉君觴恐驕朕意其大者天地所重者神器尾虎足冰
終日惴惴當其重之勿使顛墜謹謝公卿無忘納誨羣
臣以退咸呼萬歲

選德殿記

洪景廬

乾道三年正月丙寅詔臣邁夕對選德殿賜之坐極論
古今治亂事及祖宗以仁守天下紀綱法度使後世有

以持循者衮衮數百言臣既歛衽肅聽且顧謂臣曰此
殿朕即位後所作也命名之旨雖取於選射觀德之義
然退朝之餘發號出令圖事揆策無適而不在是凡燕
游聲色之奉宮室苑囿之娛非惟不可好然亦所不好
獨以閒暇取尚書及資治通鑑孜孜而讀之帝之所以
為帝王之所以為王法其所以興戒其所以壞口誦心
惟未嘗一日輒去手也近侍外臣晝接夕訪大廷簾陛
之儀一切略去紬繹政理從容問答頗有漢宣室唐浴

殿遺意至於騶虞時會抗志決拾以弛張文武之道特
其一事耳卿為朕記之臣邁離席再拜稽首謝不敏弗
獲命退而言曰自唐虞至於東周蓋千有餘歲其世遠
其政息然至今為後人所傳誦後王所矜式而賴之以
不泯者尚書存焉耳由三代而下至於後周亦千有餘
歲世愈益近政愈益多廢興成敗之林渺若淵海今列
于戶牖之間博而得其要簡而周於事者通鑑存焉爾
書亡然後通鑑作茲其是與陛下受天命克己厲精綜

練名實躬持太阿之柄操以為驗稽以為決未嘗不本
原於二書四海九州之人神而明之鼓舞奉承之不暇
而不知其所自得者實出於一堂之中萬事之方來畢
陳乎前匿態遁形美惡畢見湛乎其若鏡炤而龜告也
而臣幸得以筆墨薄技待罪禁林此而不書孰當書者
況於跼受天旨恩紀卓異為無窮光耀乎乃不固辭而
承命臣聞之成天下之事者莫大於至勤洞天下之理
者莫大於至明今夫百川之流草木之蕃三農之業百

工之藝皆勤也而天子之勤異於是必法天行健而後
可智效一官化洽一州折獄致刑擿抉微漏皆明也而
天子之明異於是必如日方中而後可唐明皇致中興
勤政務本之意慨然見於作樓之時而日引月長宴安
鴆毒之不戒明而不勤為何如哉文宗外憂藩鎮之跋
扈內患朝廷之不勤旦朝籌之暮夜計之而訓注之陰
謀牛李之朋黨不能早辨以稔甘露之悔勤而不明為
何如哉莫盛於太宗而寢不克終猶見於魏公之十漸

故臣以謂唐三百年去本朝為未遠卓然可喜者惟武
宗宣宗為然今陛下擴天縱之聖經之以至勤緯之以
至明公卿以下有外朝之覲延英之對金華之講都俞
咨詢寒暑一致猶以為未足也而又朝於斯夕於斯舜
好問而察邇言禹之惜寸陰文王之日昃不遑食皆以
匹休抗美下視武宣誠不足道然自彊不息終始毋怠
願陛下常以今日之心為心詩云惟天之命於穆不已
蓋曰天之所以為天也臣敢以是為陛下獻歲三月庚

午左朝議大夫起居舍人兼權直學士院兼權中書舍人兼同修國史兼實錄院同修撰臣洪邁拜手稽首謹記

古詩

隋宮

鮑溶

御街行客路行客悲春風野老幾代人種田煬帝宮零落池臺勢高低禾黍中

鼓吹曲

謝玄暉

江南佳麗地金陵帝王州逶迤帶綠水迢遞起朱樓飛
甍夾馳道垂楊蔭御溝凝笳翼高蓋疊鼓送華輶獻納
雲臺表功名良可收

九成宮

杜甫

蒼山入百里崖斷如杵臼層宮憑風迴茂業土囊口立
神扶棟梁鑿翠開戶牖其陽產靈芝其陰宿牛斗紛披
長松倒揭嶸恠石走哀猿啼一聲客淚迸林藪荒哉隋
家帝製此今頽朽向使國不亡焉為巨唐有雖無新增

修尚置官居守巡非瑤水遠跡是雕牆後我行屬時危
仰望嗟歎久天王狩太白駐馬更搔首

連昌宮辭

元微之

連昌宮中滿宮竹歲久無人森似束又有牆頭千葉桃
風動落花紅簌簌宮邊老人為余泣少年選進因曾入
上皇正在望仙樓太真同凭闌干立樓上樓前盡珠翠
炫轉熒煌照天地歸來如夢復如痴何暇備言宮裏事
初過寒食一百六店舍無煙宮樹綠夜半月高絃索鳴

賀老琵琶定場屋力士傳呼覓念奴念奴潛伴諸郎宿
須臾覓得又連催特勅街中許燃燭春嬌滿眼睡紅消
掠削雲鬢旋裝束飛上九天歌一聲二十五郎吹管逐
逡巡大徧梁州徹色色龜茲轟錄續番樂名李暮壓笛傍
宮牆偷得新翻數般曲平明大駕發行宮萬人鼓舞途
路中百官隊仗避岐薛楊氏諸姨車闐風明年十月東
都破御路猶存祿山過驅令供頓不敢藏萬姓無聲淚
潛墮兩宮定後六七年却尋家舍行宮前莊園燒盡有

枯井行宮門闔樹宛然爾後相傳六皇帝不到離宮門
久閉往來年少說長安玄武樓前花萼廢去年勅使因
斫竹偶值門開暫相逐荆榛擲比塞池塘狐兔嬌痴緣
樹木舞榭歌傾基尚存文牕窈窕紗猶綠塵埋粉壁舊
花鈿鳥啄風箏碎珠玉上皇偏愛臨砌花依然御榻臨
堦斜蛇出燕窠盤鬪棋茵生香案正當衙寢殿相連端
正樓太真梳洗樓上頭晨光未出簾影黑至今反掛珊
瑚鈎指似傍人因慟哭却出宮門淚相續自從此後還

閉門夜夜狐狸上門屋我聞此語心骨悲太平誰致亂
者誰翁言野父何分別耳聞眼見為君說姚崇宋璟作
相公勸諫上皇言語切變理陰陽未泰豐調和中外無
兵戎長官清平太守好揀選皆言由相公開元欲末姚
宋死朝廷漸漸由妃子祿山宮裏養作兒號國門前開
如市弄權宰相不記名依稀憶得楊與李楊國忠
李林甫廟謨
顛倒四海搖五十年来作瘡痂今皇神聖丞相明詔書
纔下吳蜀平官軍又取淮西賊此賊亦除天下寧年年

耕種宮前道今年不遣子孫耕老翁此意深望幸努力
廟謨休用兵

律詩

隋煬帝作迷樓每一幸即經月宮女無數後
宮多不得進有侯夫人者有美色忽自縊於
棟下臂懸錦囊左右取以進有詩五首云
庭絕玉輦迹芳草漸成窠隱隱聞簫鼓君恩何處多
欲泣不成淚悲來翻強歌庭花方爛漫無計奈春何

春陰正無際獨步意如何不及閒花草翻承雨露多
妝成多自恨夢好却成悲不及楊花意春來隨處飛
秘閣扃仙卉雕房鎖玉人毛君真可戮不肯寫昭君
張祐有宮詞白傳稱之

故國三千里深宮二十年一聲河滿子雙淚落君前

古行宮

元稹

寥落古行宮宮花寂寞紅白頭宮女在閒坐說玄宗

宮詞

杜荀鶴

早被嬋娟誤欲妝臨鏡慵承恩不在貌教妾若為容風
暖鳥聲碎日高花影重年年越溪女相憶採芙蓉

宮詞

王建

蓬萊正殿壓金鰲紅日初生碧海濤開著五門遙北望
柘黃新帕御牀高

又

五更五點索金車盡放宮人出看花仗下一時催立馬
殿頭先報內園家

又

射生宮女宿紅妝請得新弓各自張
臨上馬時齊賜酒
男兒跪拜謝君王

又

每夜停燈慰御衣銀燵籠底火霏霏
遙聽帳裏君王覺
上直聲鐘始得歸

又

牀前謝賜紫羅襦不下金階上軟輿
官局總來為喜樂

院中新拜內尚書

又

水中芹葉土中花拾得還將避衆家
總待別人般數盡袖中捻得鬱金芽

又

叢叢洗手遠金盆旋拭紅巾入殿門
衆裏遙拋金橘子在前收得便承恩

又

風簾水閣壓芙蓉四面鉤闌在水中避熱不歸金殿宿
秋河織女夜燈紅

又

聖人生日明朝是私地先須囑內監自寫金花紅榜子
前頭先進鳳凰衫

又

黃金合裏盛紅雪重結香羅四出花一一傍邊書勅字
分明送與大臣家

又

宮人早起不相呼不識階前掃地夫乞與金錢爭借問
外頭還似此間無

又

小隨阿姊學吹笙好見君王乞與名夜掃玉牀朝把鏡
黃金階下不教行

又

日高殿裏有香煙萬歲聲來動九天妃子院中初降誕

內人爭覓洗兒錢

又

羅衫葉葉繡重重金鳳銀鷺各一叢每遍舞頭分兩句
太平萬歲字當中

又

牕牕戶戶院相當總有珠簾玳瑁牀誰道君王不來宿
帳中長是炷衙香

又

銀燭秋光冷畫屏輕羅小扇撲流螢天階夜色涼如水
卧看牽牛織女星

又

金吾除夜進儺名畫袴朱衣四隊行院院曉煙如白晝
沈香火底坐吹笙

又

聞吹玉殿昭華管醉打梨園縹蒂花千年一夢歸人世
絳縷猶封繫臂紗

始於晉武帝選士庶女子有姿色者以緋紗繫其臂大將軍胡奮女泣叫

不伏
繫臂

又

魚藻宮中揀翠蛾
先皇行處不曾過
如今池底休鋪錦

菱角雞頭積漸多

李石開成承詔錄文宗因語德宗奢靡老宮人云每引流泉先于池底鋪

錦

又

樹頭樹底覓殘紅
一片西飛一片東
自是桃花貪結子

錯教人憾五更風

又

日晚長秋簾外報望陵歌舞在明朝添爐欲熱熏衣麝
憶得分時不忍燒

又

日映西陵松柏枝下臺相顧一相悲朝來樂部歌新曲
唱著君王自作詞

武宗怒一宮嬪謂柳公權曰得學士一詞當
釋之遂進詩曰

不忿前時誤主恩已甘寂寞守長門今朝却得君王顧
重入椒房拭淚痕

宮詞

韓偓

繡屏斜立正銷魂侍女移燈掩殿門燕子不歸花著雨
春風應自怨黃昏

宮詞

花藥夫人

厨船進食簇時新列坐無非侍從臣日午殿前宣索餽
隔花催喚打魚人

又

殿頭分給買花錢
滿殿宮娥盡十千
遇著唱名多不語
含羞急過御牀前

宮詞

徐仲雅

內人曉起怯春寒
輕揭珠簾看牡丹
一把柶絲收不得
和風搭在玉闌干

望華清宮感事

許渾

聞說先皇看碧桃
日華搖動鬱金袍
風隨玉輦笙歌迴

雲捲珠簾劍佩高
雙鳳北歸山寂寂
六龍西去水滔滔
蛾眉沒後巡遊少
瓦落宮牆見野蒿

華清宮

許渾

樓閣參差倚太陽
年年花發滿山香
重門閒鎖青春晚
深院簾垂白日長
草色芊緜侵御路
泉聲嗚咽遶宮牆
先皇一去無回駕
紅粉翠鬟空斷腸

古行宮

章孝標

瓦煙疎冷古行宮
寂寞朱門暗鎖空
殘粉水銀流砌下

墮環秋月落泥中鶯傳舊語嬌春日花學嚴妝妬曉風
天子時清不巡幸祇應鸞鳳集梧桐

隋宮

李商隱

紫宸宮殿鎖煙霞欲取蕪城作帝家玉璽不緣歸日角
錦帆應是到天涯于今腐草無螢火終古垂楊有暮鴉
地下若逢陳後主豈宜重問後庭花

詩話

御溝流桐葉

顧況在洛乘閒遊苑中水上得大桐葉有詩曰一入深
宮去年年不見春聊題一片葉寄與有情人明日於上
游亦題杏葉泛之波中曰花落深宮鶯亦悲上陽宮女
斷腸時帝城不禁東流水葉上題詩寄與誰後有客尋
春苑中又於杏葉上得詩云一葉題詩出帝城誰人酬
和獨含情自嗟不及波中葉蕩漾尋春取次行

禁溝得紅葉

唐僖宗時有于祐晚步禁溝拾一紅葉上有詩云流水

何太急深宮盡日間殷勤謝紅葉好去到人間祐復題
云曾聞葉上題紅葉上題詩寄與誰祐後娶一宮人
韓氏於祐書笥中見一紅葉驚曰此吾所作吾水中亦
得紅葉即祐所題詩於是相對感歎曰事豈偶然莫非
前定也

青瑣高議或曰
虛渥更不重載

戰袍中得詩

開元中賜將軍士大夫纈衣製於宮中有兵士短袍中
得詩曰沙場征戍客寒苦若為眠戰袍經手作知落那

誰邊留意多添線含情更著絲今生已過也重結後生
緣兵士以詩白帥進呈明皇以詩徧示宮中曰作者勿
隱不汝罪也有一宮人自言萬死明皇深閱之遂以嫁
得詩者謂之曰吾與爾結今生緣邊人感泣

戰袍中得金鎖

唐僖宗朝自內製袍千領賜塞外吏士神策將軍馬直
於袍絮中得金鎖一枚詩一首云玉燭製袍夜金刀呵
手裁鎖情寄千里鎖心終不開馬直貨鎖于市為人告

其將併得詩奏聞僖宗令馬直赴闕以官人賜直為妻

知宮中事

王建宮詞舊跋云建太和中為陝州司馬與韓愈張籍同時籍最相友善工為樂府歌行思遠格幽初為渭南尉與宦者王守澄有宗人之分因過以相譏戲守澄深憾曰吾弟所作宮詞禁掖深遽何以知之將奏劾建因以詩解之曰先朝行坐鎮相隨今上春宮見長時脫下御衣偏得著進來龍馬亦教騎嘗承密旨還家少獨奏

邊情出殿遲不是當家頻向說九重爭遣外人知事邊
寢宮詞凡百絕天下傳誦做此體者雖有數家而建為
之祖耳

李後主詞

有士人家收江南李後主書一詞云馮延巳撰詞云銅
壺滴漏初晝高閣鷄鳴半空催啓五門金鑰猶垂三殿
簾櫳堦前御柳搖綠仗下宮花散紅鴛鴦數行曉日鸞
旗百尺春風侍臣蹈舞重拜聖壽南山永同

殿庭植槐

唐殿庭間種花枝故杜詩云花覆千官淑景移又云退朝花底散國朝惟植槐楸鬱然有嚴毅氣象

官廨

羣書要語漢建尚書百官府名曰南宮蓋取天上南宮大微之象退之孔戣墓誌云臣與孔戣同在南省漢書其

官司之別曰省曰臺曰寺曰監曰衛曰府唐百官志諸校列

坐堂皇上注屋無壁曰皇

胡建傳

厦屋一揆華屏齊榮肅

肅階闕重門再扃師尹爰止毗世作積注府寺之制其

間一揆而牆屏之設亦齊有之關兩階之間

魏都賦

近代

通謂府廷為公衙即古之公朝也字本作牙訛為衙詩

曰圻父王之爪牙大司馬掌武備象猛獸以爪牙為衛

故軍前大旗為牙旗出師則有建牙之事軍中聽號令

必至牙旗之下

續世說

寺者嗣也治事者相嗣續於其中

也

侯鯖錄

凡官寺吏卒率以晨晡兩時致禮俗呼衙府古

有之而稱謂訛也

演繁露

古詩蜜蜂之辭曰藹藹華華雖

無官職一日兩衙則凡官寺日再聽事吏卒因之亦致

其恭天子御正朝亦名正衙不知何始

藝文類聚

申者吏以

晡時聽事申旦政也

說文

詩句不見公與相潭潭府中居

韓

勤來得晤語勿憚怕

寒廳

韓

蹠蹠騶先駕龍銅鼓鳴衙

柳

印在休通客山晴

好捲簾

張

吏人休報事公作送春詩

韓

看君擁黃紬縮

卧放晚衙

坡

使君家似野人居

杜牧

安郡

走馬西來各開

府

坡

况我官居似蓬島

坡

嗟我官居如傳舍

古今事實

聽訟甘棠

甘棠召伯聽訟也蔽芾甘棠勿剪勿伐召伯所爰

正堂舍蓋

見寓公門

官舍狸恠

晉樂廣為河南尹官舍多恠前尹不敢居之廣後於壁
穿中得狸殺之恠遂絕

省中多鬼

宋徐孝先為都官尚書自晉以來尚書寮皆攜官屬居
省省中多有鬼恠每夜或見人著衣冠從中出或門自
開闔見者多死尚書周確卒於此省孝先代確居之經
兩載妖變皆息

官舍鬼去

梁傅昭歷位左戶尚書安成內史郡自宋來兵亂相接
府舍稱凶每昏旦間人鬼相觸在任者鮮以吉終及昭
至有人夜見甲兵出曰傅公善人不可侵犯乃騰虛而

去自是郡遂無患

皆無公廨

宋初京師職事官舊皆無公廨雖宰相執政官亦僦舍而居每遇出省或有中批外奏急速文字則省吏遍持於私第呈押既稽緩又多漏泄

石林燕語

始建二府

元豐初建東西二府於右掖門之前每府相對曰位謂之八位

謫居無公宇

寇萊公謫道州司馬素無公宇百姓聞之競荷瓦木不督而會公宇立成頗亦宏壯守土者聞于朝遂再有海康之命

正寢待兄

呂微仲當軸兄大中自陝漕入朝微仲虛正寢以待之中大辭微仲云界以中雷即私家也時安厚卿在政府父日華尚康寧厚卿夫婦偃然居東序時人以此別二

公之賢否

揮塵錄

古今文集

雜著

政事堂記

李華

政事堂者君不可以枉道於天反道於地覆道於社稷
無道於黎元此堂得以議之臣不可以悖道於君逆道
於人黷道於貨亂道於刑尅一方之命變王者之制此
堂得以易之兵不可以擅興權不可以擅與貨不可以

擅畜王澤不可以擅奪君恩不可以擅間私讎不可以擅報公爵不可以擅私此堂得以誅之事不可以輕入重罪不可以生入死法不可以剥害於人財不可以擅加於賦情不可以委之於倖亂不可以啓之於萌伐紊不賞削紊不封聞荒不救見饑不矜逆諫自賢違道傷古此堂得以殺之故曰廟堂之上樽俎之前有兵有刑有挺有刃有斧鉞有酖毒有夷族有破家登此堂者得以行之故伊尹放太甲之不嗣周公遜管蔡之不義霍

光廢昌邑之亂梁公正廬陵之位自君弱臣強之後宰相主生殺之柄天子掩九重之耳變理化為權衡論道變為機紐傾身禍敗不可勝數列國有傳青史有名可以為終身之誡無罪斯記云

待漏院記

見朝謁門

江州司馬廳壁記

白居易

自武德已來庶官以便宜制事大攝小重侵輕郡守之職總於諸侯帥郡佐之職移於部從事故自五大都督

府至于上中下郡司馬之事盡去惟員與俸在凡内外文武官左遷右移者第居之凡執役事上與給事於省寺軍府者遥署之凡仕久資高耄昏軟弱不任事而時不忍棄者實蒞之蒞之者進不課其能退不殿其不能才不才一也若有人畜器貯用急於兼濟者居之雖一日不樂若有人養志忘名安於獨善者處之雖終身無悶官不繫乎時也適不適在乎人也江州左匡廬右江湖土高氣清富有佳境刺史守土臣不可遠觀游羣吏

執事官不敢自暇佚惟司馬綽綽可從容於山水詩酒
間由是郡南樓山北樓水湓亭百花亭風篁石巖瀑布
廬宮源潭洞東西二林寺泉石松雪司馬盡有之矣苟
有志於吏隱者捨此官何求焉按唐典上州司馬秩粟
以歲廩數百石月俸六七萬官足以庇身食足以給家
州民康非司馬功郡政壞非司馬罪無言責無事憂噫
為國謀則尸素之尤蠹者為身謀則祿仕之優隱者余
佐是郡行四年矣其心休休如一日二日何哉識時知

命而已又安知後之司馬不有與吾同志者乎因書所得以告來者

吉州刺史廳壁記

皇甫湜

自江而南吉為富州民朋吏囂分土艱政蓋以近歲適茲不幸紹繼無狀大官以降為者羞薄而不省務子弟以資授者侵欲而不顧法州遂瘡痍御史中丞張公歷刺緡雲潯陽用清白端正之治詔書寵褒賜以金紫移蒞於吉下車之初視簿書簿書勢如絲視胥吏胥吏沸

如縻召詰其官皆眊然如醒登進其民皆蕭然而疲公
噫眊良久於是大新其典為之開之以修省簡便鍵之
以勤彊練密凡事從宜處約以躬率之省費一倍法防
既周銖兩之姦無所容墨吏斯息單民得職威令神行
惠利川流未及再朞庶富而教至於無事百姓扶老提
穉載路而歌曰昔吏施施今吏簷簷公能馭之雖亦為
銛跖亦為廉始絀而苦終優以恬昔民嗷嗷今民咍咍
公能撫之鰥寡有怡流亡既來徭稅先具汙萊盡開嚮

覆官倉倉無斗糧公來幾時積粟埋梁嚮閱官庫庫無
尺縑公來幾時山積層層瑞露溶溶降于公松瑞蓮猗
猗合蒂公池公有異政神之祚之民歌路謠冀聞京師
天子明聖恩光遠而於是掾史將卒趨伏固請願書於
公堂之北壁夫堂壁有記本以志喜悛惡名氏遷次末
也矧東西之舊則備今用絕編以首能為政垂為後式
道州刺史廳壁記
元結

天下太平方千里之內生植齒類刺史能存亡休戚之

天下兵革方千里之內能保黎庶能攘患難在刺史耳
凡刺史若無文武才畧若不清廉肅下若不明惠公直
則一州生類皆受其害於戲自至此州見井邑丘墟生
民幾盡試問其故不覺涕下前政刺史或有貪猥惛弱
不分是非但以衣服飲食為事數年之間蒼生蒙以私
欲侵奪兼之公家驅迫非姦惡彊富殆無存者問之耆
老前後刺史能恤養貧弱專守法令有徐公履道李公
廙而已徧問諸公善或不及徐李二公惡有不堪說者

故為此記與刺史作戒自置州已來諸公改授遷絀年月則舊記存焉

道州刺史廳後記

呂溫

壁記非古也若冠綬命秩之差則有格令在山川風物之辨則有圖牒在所以為之記者豈不欲述理道列賢不肖以訓於後庶中人以上得化其心焉代之作者率異於是或誘學名數或務攻為文居官而自記者則媚己不居其官而代人記者則媚人春秋之旨蓋委地矣

賢二千石河南元結字次山自作道州刺史廳記既彰
善而不黨亦指惡而不誣直舉曾臆用為鑒戒昭昭吏
師長在屋壁後之貪虐放肆以生人為戲者獨不愧於
心乎予自幼時讀古循吏傳慕其為人以為士大夫立
名於代無以高此前年冬由尚書刑部郎中出為此州
雖履劇自課而未能逮其意也往刺史有許子良者輒
移元次山記於北牖下而以其文代之後亦有時號君
子之清者蒞此熟視焉而莫之省豈是其難乎予也魯

不知乎他即命巧而書之俾復其舊且為後記以廣次山之志云

藍田縣丞廳壁記

韓愈

丞之職所以貳令於一邑無所不當問其下主簿尉主簿尉乃有分職丞位高而偏例以嫌不可否事文書行吏抱成案詣丞卷其前鉗以左手右手摘紙尾鴈鶩行以進平立脫丞曰當署丞涉筆占位署惟謹顧吏問可不可吏曰得則退不敢畧省漫不知何事官雖尊力勢

反出主簿尉下劾數慢必曰丞至以相訾訾丞之設豈
端使然哉博陵崔斯立種學績文以畜其有泓涵演迤
日大以肆貞元初挾其能戰藝於京師再進再屈於人
元和初以前大理評事言得失黜官再轉而為丞茲邑
始至喟然曰官無卑顧材不足塞職既噤不得施用又
喟然曰丞哉丞哉余不負丞而丞負余則盡枿去牙角
一躡故跡破崖岸而為之丞廳故有記壞漏汙不可讀
斯立易桶與瓦墁治壁悉書在任人名氏庭有老槐四

行南牆鉅竹千挺儼立若相持水漑漑循除鳴斯立痛
掃漑對樹二松日哦其間有問者輒對曰余方有公事
子姑去

古詩

郡中與諸文士燕集

見燕
飲門

同安官舍夜作

朱元晦

官署夜方寂幽林生月初閒居秋意遠花香寒露濡故
國異時節欲歸懷簡書聊從西軒卧塵思一蕭疎

窓戶納涼氣吏休散朱墨無事一脩然形神罷拘役暫
愒豈非閒無論心與跡

題太和主簿趙昌父思隱堂

楊廷秀

西昌主簿如禪僧日食秋菊嚼春冰西昌官舍如佛屋
一物也無惟有竹俸錢三月不曾支竹陰過午未晨炊
大兒叫怒小兒啼乃翁對竹方哦詩詩人與竹一樣瘦
詩句與竹一樣秀故山蒼玉搖綠雲月梢風葉最關身

勤渠未要思舊隱且與西昌作好春

律詩

城南縣尉水亭


蘇子瞻

兩尉鬱相望東南百步場插旗滿柳市伐鼓水雲鄉已
作觀魚檻仍開射鴨堂全家依畫舫極目亂紅妝潏潏
波頭細疏疏雨脚長我來閒濯足溪漲欲浮牀澤國山
園裏孤城水影旁欲知歸路處葦外明風檣

金陵郡齋

王介甫

談經投老拚悠悠為吏文書了即休
深炷爐香閉齋閣
卧聽簷雨瀉高秋



古今事文類聚續集卷五